


Bibilia ya watoto
Inawalettea

Mwana Mpotevu



Kimeandikwa na: Edward Hughes

Kimeorodheshwa na: Alastair Paterson; Lazarus

Imerekebishwa na: Ruth Klassen; Sarah S.

Kimetafsiriwa na: Bethel Children's Home,
Kisumu, Kenya and Emmanuel Menya

Kimedhibitishwa na: Bible for Children
www.M1914.org

©2020 Bible for Children, Inc.

License: Kuna ruhusa ya kuchapa hadithi hii, lakini bila ya kuuza.






Yesu alipenda kuwaambia watu kuhusu msamaha wa Mungu. Lakini viongozi wa Kiyahudi walilalamikia urafiki Wake na wenye dhambi. Hivyo Yesu alizungumzia hadithi tatu kuonyesha kwamba Mungu anafurahi wenye dhambi wanapohuzunikia dhambi zao.



Hadithi ya kwanza ilikuwa kuhusu mtu mwenye kondoo mia. Mmoja akapotea.

Muda huohuo mchungaji akawaacha wale tisini na tisa na kwenda kumtafuta yule aliyepotea.





Mchungaji alitafuta mpaka akamuona kondoo aliyepotea. Kisha akamuweka mabegani na kumrudisha nyumbani kwa furaha. Akawaambia marafiki zake,

“Furahini pamoja nami kwa maana nimempata kondoo wangu aliyekuwa amepotea!”



Yesu akaeleza kwamba kuna furaha kuu mbinguni mwenye dhambi mmoja anapotubu. Maana ya kutubu ni kuhuzunika kwa ajili ya dhambi zako - kuhuzunika kiasi cha kukufanya uziache!






Hadithi ya Yesu
iliyofuata ilikuwa ya
mwanamke aliyekuwa
na sarafu kumi,
pengine ilikuwa ni
akiba ya maisha yake
yote. Jambo baya
likatokea. Akapoteza
moja ya sarafu zake.



Akafagia! Akafagia! Akafagia!
Mwanamke akaangalia kila mahali.



Hatimaye akaipata sarafu
iliyopotea. Alifurahi sana.
Unaweza kukisia kwamba alifanya
nini? Ndiyo, aliwaambia marafiki
zake wote!





Yesu akasema tena, "Kuna furaha mbele ya malaika wa Mungu mwenye dhambi mmoja anapotubu."



Hadithi ya tatu aliyosimulia
Yesu ilikuwa ya huzuni sana.
Ilikuwa juu ya mvulana
aliyeondoka kwenye
nyumba ya baba
yake.




Katika nchi ya mbali mvulana alitumia fedha yake kipumbavu. Angeweza kufanya nini baada ya kuishiwa? Mbaya zaidi, njaa ikaingia katika nchi ile.

Mvulana angeweza
kufa njaa.



Akiwa katika hali mbaya ya njaa, mvulana akapata kazi ya kulisha nguruwe. Lakini hakuna aliyempa chakula. Alitamani kula chakula cha nguruwe. Labda alifanya hivyo! Mwishowe, fahamu za mvulana zikarudi. Akatafakari, "Nyumbani, hata watumishi wanakula vizuri."







"Nitarudi
nyumbani na
kumwambia Baba
najutia dhambi
zangu. Sistahili
kuwa mwana wake
tena. Natumaini
ataniajiri kama
mtumishi."



Wakati mvulana bado yuko mbali na nyumbani kwao, baba yake akamuona anakuja. Kwa furaha, baba akamkimbilia mwanae anayerudi nyumbani.

Akambusu mvulana na kumkumbatia.





“Baba, nimetenda dhambi. Sistahili kuwa mwana wako tena.” Mvulana alitaka kumuomba baba yake amujiri kama mtumishi. Lakini baba akamkatisha. Leteni vazi bora, viatu, na pete kwa ajili ya mwanangu. Na andaeni sherehe kubwa.



Kulikuwa na sherehe ya ajabu kwa sababu mwana aliyekuwa amepotea ameonekana. Yesu alisimulia

hadithi hii kwa sababu inaonyesha jinsi Mungu anavyopenda kuwapokea wenye dhambi wanaotubu na kumjia.



Mwana Mpotevu

Hadithi kutoka kwa Neno la Mungu, Bibilia,
inapatikana katika

Luka 15

"Kufafanusha maneno yako kwatia nuru."
Zaburi 119:130



Mwisho



Hii hadithi ya bibilia inatueleza kumhusu Mungu wetu wa ajabu aliyetuumba na anayetaka tumjue.

Mungu anajua tumetenda mambo mabaya, anayoyaita dhambi. Adhabu ya dhambi ni mauti, lakini Mungu anakupenda sana hata akamtuma mwana wake wa pekee, Yesu, Ili afe msalabani na aadhibiwe kwa dhambi yako. Alafu Yesu akafufuka na kuenda nyumbani mbinguni! Ukimwamini Yesu na kumwomba msamaha kwa dhambi yako, Atakusamehe! Yesu atkuja na kuishi ndani yako, na utaishi naye milele.

Kama unaamini huu ni ukweli, Sema haya kwa Mungu: Mpendwa Yesu, ninaamini kuwa wewe ni Mungu, na ulifanyika mtu ili ufe kwa ajili ya dhambi zangu, ili niwe na maisha mapya, na siku moja nitaenda kuwa nawe millele. Nisaidie nikutii na niishi kwa ajili yako kama mtoto wako. Amina.

Soma bibilia na uzungumze na Mungu kila siku! Yohana 3:16

